



## Concello de Vigo

### YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

**C E R T I F I C O:** Que a Xunta de Goberno Local, na **sesión ordinaria do 18 de novembro de 2022**, adoptou o seguinte acordo:

#### **21.- EXPEDIENTE DE CONTRATACIÓN A TRAVÉS DE PROCEDEMENTO ABERTO E TRAMITACIÓN ORDINARIA DAS OBRAS DO PROXECTO DE “CUBRICIÓN DO TRANVÍA DA PRAZA DO EMIGRANTE”. EXPTE. 1371/441.**

Visto o informe xurídico do 24/10/2022 e o informe de fiscalización do 07/11/2022, dáse conta do informe-proposta do 14/10/2022, asinado pola técnica de Xestión, o técnico de Admón. Xeral de Servizos Xerais, o xefe do Servizo Xurídico de Servizos Xerais, o concelleiro-delegado de Área e polo concelleiro-delegado de Orzamentos e Facenda, que di o seguinte:

##### **I.- ANTECEDENTES DE FEITO.**

I.- A Xunta de Goberno Local en sesión de data 5 de novembro de 2020 acordou aprobar o proxecto de “PROTECCIÓN, ILUMINACIÓN ORNAMENTAL E CUBRICIÓN DO TRANVÍA, DA PRAZA DO EMIGRANTE” redactado polo Enxeñeiro Industrial D. Javier De La Puente Crespo, cun orzamento base de licitación máis IVE de CENTO VINTE MIL SETECENTOS SESENTA EUROS CON CORENTA E SEIS CÉNTIMOS (120.760,46 €) e con sinatura dixital de data 23.03.2020. (Expte.4595-443).

II.- A Xunta de Goberno Local, en sesión de data 4 de xuño de 2021, acordou aprobar o expediente de contratación a través de procedemento aberto e tramitación ordinaria das obras do proxecto de “PROTECCIÓN, ILUMINACIÓN ORNAMENTAL E CUBRICIÓN DO TRANVÍA, DA PRAZA DO EMIGRANTE”, redactado polo Enxeñeiro Industrial D. Javier De La Puente Crespo. (Expte. 873-441).

Dito procedemento foi declarado deserto por acordo da Xunta de Goberno Local de data 16 de xullo de 2021, por non terse presentado ningunha proposición.

III.- Á vista do exposto, por parte do redactor presentase novo proxecto de “CUBRICIÓN DO TRANVÍA DA PRAZA DO EMIGRANTE” redactado polo Enxeñeiro Industrial D. Javier De La Puente Crespo, cun orzamento base de licitación máis IVE de CENTO OITENTA E OITO MIL OITOCENTOS TRINTA E CATRO EUROS con OITENTA E UN CÉNTIMOS (188.834,81 €).

IV.- Previo informe da Oficina de Supervisión de Proxectos, I.T.O. e Asistencia Municipal de data 19.05.2022, e o pertinente informe xurídico con proposta de resolución de datas 25 e 26 de maio de 2022, a Xunta de Goberno Local, en sesión de data 02.06.2022 aprobou o proxecto de “CUBRICIÓN DO TRANVÍA DA PRAZA DO EMIGRANTE” redactado polo Enxeñeiro Industrial D. Javier De La Puente Crespo, cun orzamento base de licitación máis IVE de CENTO OITENTA E OITO MIL OITOCENTOS TRINTA E CATRO EUROS con OITENTA E UN CÉNTIMOS (188.834,81 €) e con sinatura dixital de data 12.05.2022. (Expte. 5562/443).

V.- No expediente contratación consta a documentación que segue:



Copia do documento - Concello de Vigo	Data impresión: 24/11/2022 22:43	Páxina 1 de 4
1371-441	CSV: ACA6BE-57BD2H-AF2A52-YWDRPC-W8FF88-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- A) O proxecto obxecto do expediente aprobado pola XGL en sesión de data 02.06.2022 e que se corresponde co expediente administrativo 5562-443, e que inclúe Prego de Prescricións Técnicas redactado polo Enxeñeiro Industrial D. Javier De La Puente Crespo, de sinatura dixital de data 12.05.2022.
- B) Informe de xustificación da necesidade e idoneidade do contrato asinado pola Técnica de Xestión, polo Enxeñeiro de Camiños Canais e Portos/Xefe de Vías, Obras e Infraestruturas e polo Técnico de Administración Xeral de datas 16 e 19 de setembro de 2022.
- C) Resolución de inicio do expediente de contratación asinada polo Concelleiro Delegado da Área de Fomento e Servizos de data 19 de setembro de 2022.
- D) Memoria económica asinada pola Técnica de Xestión, polo Técnico de Administración Xeral e polo Concelleiro Delegado da Área de Fomento e Servizos de data 21 de setembro de 2022.
- E) Certificados de crédito asinados pola Dirección Superior Contable municipal.
- F) Acta de replanteo do correspondente proxecto asinada polo Enxeñeiro Municipal de Camiños, Canais e Portos/Xefe de Vías, Obras e Infraestruturas en data 28 de setembro de 2022.
- G) Memoria xustificativa para a redacción do PCAP redactada polo Servizo Xestor e asinada en dataa 29 e 30 de setembro de 2022.
- H) Informe do Servizo de Contratación de comprobación da documentación esixida pola normativa de contratación pública, asinado pola Técnica de Administración Xeral e pola Xefa do Servizo de Contratación con data 7 de outubro de 2022.
- I) Prego de Cláusulas Administrativas Particulares asinado pola Técnico de Administración Xeral e pola Xefa do Servizo de Contratación con data 7 de outubro de 2022..

## II.- FUNDAMENTOS TÉCNICOS E XURÍDICOS

**Primeiro.-** A iniciación do expediente de contratación corresponde ao Órgano de Contratación (artigo 116.1 LCSP), que nos municipios de gran poboación, como é o de Vigo, é a Xunta de Goberno Local (disposición adicional 2ª. 4 LCSP) e, por delegación desta (acordo da Xunta de Goberno Local de 20.06.2019), aos concelleiros de Área.

**Segundo.-** O expediente refírese á totalidade do obxecto do contrato e nel, e no expediente que se achega, constan as actuacións preparatorias do contrato de obras, esixidas polos artigos 231 e seguintes da LCSP — elaboración, supervisión, aprobación e replanteo do proxecto— así como o Prego de Cláusulas Administrativas particulares e o de Prescricións Técnicas, reitores do contrato.

**Terceiro.-**No expediente xustifícase a necesidade e idoneidade do contrato (artigo 28 e 116.4.e da LCSP), a clasificación esixida aos participantes (artigo 116.4.b da LCSP), os criterios de solvencia económica e financeira (artigo 116.4.c da LCSP), o valor estimado do contrato con indicación de todos os conceptos que o integran, incluíndo os custes laborais (artigo 116.4.d da LCSP) a xustificación do prezo do contrato e o seu método de cálculo (artigo 112 da LCSP), os criterios de adxudicación e a súa adecuación ao obxecto do contrato (artigo 145.1 da LCSP), a non división en lotes (artigo 116.4.g da LCSP), así como as fórmulas de valoración (artigo 146.2 da LCSP). Non é necesaria a xustificación do procedemento por tratase dun procedemento aberto. Xustifícase a adecuación urbanística (informe da oficina de supervisión de proxectos de data 19.05.2022) e o cumprimento da normativa sectorial.



Copia do documento - Concello de Vigo	Data impresión: 24/11/2022 22:43	Páxina 2 de 4
1371-441	CSV: ACA6BE-57BD2H-AF2A52-YWDRPC-W8FF88-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

**Cuarto.-** Consta na memoria económica elaborada polo servizo xestor xustificación de non desequilibrio orzamentario por atoparse contemplado o gasto no orzamento e que non afectará á sustentabilidade financeira do Concello (artigo 7.3 da Lei orgánica 2/2012, do 27 de abril).

**Quinto.-** É preceptivo previa aprobación do expediente de informe da titular da asesoría xurídica (Disposición adicional 3ª.8 da LCSP), así como a incorporación de certificado de existencia de crédito e fiscalización previa da Intervención (artigo 116.3 LCSP)

**Séxto.-** A aprobación do expediente de contratación correspóndelle á Xunta de Goberno Local, na súa calidade de órgano de contratación (disposición adicional 2ª. 4 LCSP),

Por todo o exposto, e unha vez se incorporen ao expediente informe da titular da asesoría xurídico e o informe de fiscalización que van ditos, propónse á Xunta de Goberno Local que adopte o seguinte acordo:

**Primeiro.-** Aprobar o expediente de contratación a través de procedemento aberto e tramitación ordinaria das obras do proxecto de “**CUBRICIÓN DO TRANVÍA DA PRAZA DO EMIGRANTE**” redactado polo Enxeñeiro Industrial D. Javier De La Puente Crespo

**Segundo.-** Aprobar o Prego de Cláusulas Administrativas particulares que rexerá o contrato asinado pola Técnico de Administración Xeral e pola Xefa do Servizo de Contratación con data 07.10.2022.

**Terceiro.-** Autorizar o gasto por importe total do expediente de contratación, que ascende a un importe máximo de CENTO OITENTA E OITO MIL OITOCENTOS TRINTA E CATRO EUROS con OITENTA E UN CÉNTIMOS (188.834,81 €) , sendo o importe correspondente ao IVE de 32.772,98 €.

Para o seu financiamento aplicaranse os créditos do orzamento do Concello de Vigo na aplicación orzamentaria 1532 6090058 “Cubrición e protección Tranvía”, segundo a distribución de anualidades proposta:

2022	177.770,00 €
2023	11,064.81 €

As diferentes anualidades imputaranse aos exercicios orzamentarios detallados, quedando o gasto subordinado ao crédito que para cada exercicio se consigne no orzamento, segundo o disposto no artigo 117.2 LCSP.

**Cuarto.-** Abrir o procedemento de licitación para a selección do contratista na forma prevista na lexislación vixente.

### **ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.



Copia do documento - Concello de Vigo	Data impresión: 24/11/2022 22:43	Páxina 3 de 4
1371-441	CSV: ACA6BE-57BD2H-AF2A52-YWDRPC-W8FF88-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 24/11/2022 22:43	Páxina 4 de 4
1371-441	CSV: ACA6BE-57BD2H-AF2A52-YWDRPC-W8FF88-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		